

BERGARA ELKAREKIN EGIN LEHIAKETA LEHIAKETAREN OINARRIAK

1. LEHIAKETAREN XEDEA

BERGARA ELKAREKIN EGIN LEHIAKETAK helburu hauek ditu:

1. Herritarren sormena eta irudimena balioan jarri nahi dira. Ideietan herritarren bizi-kalitatearen hobekuntzarekin zerikusia izango duen edozein proiektu edo ideia ingenioso eta bideragarri landu daiteke.
2. Bergarako udal aurrekontuekin eta/edo udalak duen antolaketa, baliabideak eta udal langileen laguntza nahiz auzolana erabiliz, udalari proposatzea:
 - a. Herrian sortu/hobetu daitezkeen azpiegiturak.
 - b. Herritarren bizi kalitatea hobetuko duten ideiak.
 - c. Herritarren partaidetza eta elkarbizitza sustatuko dituztenak.
 - d. Elkartasun premiei erantzuteko sustatuko dituztenak.
 - e. Herrian kultura eta herritarren aisia hobetzera zuzendutako ekimenak.
 - f. Beste batzuk.
3. Herritarrek ideiak baloratzeko aukera izango dutenez Udalak jendearen premia eta lehentasunak ezagutzeko ere balio izango du lehiaketa honek.

2. LEHIAKETAKO PARTEHARTZAILEAK

Lehiaketa honetan Bergaran errolatuta dagoen edozein pertsonak parte hartu ahal izango du. Lehiaketan parte hartzeko epea 2017ko otsailaren 1ean itxiko da. Adinaren arabera kategoria desberdinak egongo dira.

- 12 urtetik beherakoak.
- 12-18 urte bitartekoak.
- 18-60 urte bitartekoak.
- 60 urtetik gorakoak.

Lehiaketa irekia da eta epaimahai batek eta herritarren bozkek erabakiko dute aurkeztutakoen artean zeinek merezi duen saria.

Lehiaketak ideia bera saritzen du baina berez ez du esan nahi exekutatu denik. Lehiaketa honetara aurkeztu diren ideiak, aurkeztu diren momentutik, udalak bere egin ditzake.

Udalak egoki iritziz gero eta premiazkoa ikusten duenean, ideien proiektu teknikoak idazteko edo garatzeko dago(z)kion kontratua/k gauzatu ahal izango du/ditu, horretarako, indarrean dagoen administrazio kontratazioaren legerian xedatutakoa kontuan hartuz.

Lehiaketaren deialdiaren berri Bergarako Udalaren web orrian emango da, horrez gain sare sozialetan eta ohiko komunikabideetan ere emango da honen berri.

Ideiak aurkezteko epea **2017ko otsailaren 1a** artekoa izango da. Ideiak modu anonimoan aurkeztuko dira, asmatutako izen batekin eta horren identifikazioa kartazal itxi batean aurkeztuko da. Identifikazio leloa honela osatuko dute: **hitz bat eta lau digituko zenbaki bat**. Kartazal horren barruan beste bi kartazal joango dira.

A kartazala: azalean leloa idatzita egongo da, barruan jasoko dira egilearen izen abizenak, NAN zenbakia, helbidea, telefonoa eta eposta.

B kartazala: azalean leloa idatzita egongo da, barruan honako euskarri hauek bildu beharko ditu, kasu guztietan gutxienez euskaraz aurkeztu beharko dira:

1. Epaimahaiaren esku jarriko den epaimahaiaren idatzizko aurkezpena, hau derrigorrezkoa izango da, honako zati hauek bilduko ditu: ideien azalpena, helburuak eta onurak.
2. Web orrialdean eta erakusketa aretoan jartzeko ideien azalpen kartela, A2 neurriko orri batean ideia bera eta hau azaltzeko beharrezko marrazki, grafikoak, azalpenak...

Euskarri hauetaz gain lehiakideek beraiek deritzen beste batzuk ere aurkeztu ahal izango dituzte, beste leku batzuetako esperientziak, aldaera posibleak, kudeaketa proposamenak.

Ideiak kartazal itxi batean (identifikazio leloa ikusteko moduan) ondorengo tokietan aurkeztu ahal izango dira:

-Agorrosinen.

-Liburutegian.

-Udaletxeko erregistro orokorrean.

Anonimatua: epaimahaiak bere balorazioa egingo du txosten idatziak eskatu ondoren, baina ez da publiko egingo web orrialdearen bozketa amaitu arte.

Epaimahaiak proposamenen berri era anonimoan baino ez du izango. Jasotako proposamenak eta materiala epaimahaiko idazkariak (bozkatu ezin izango duena) zabaltzeko eta aurrerago herritarren bistan jartzeko prestatuko ditu, eta kontuz ibiliko da proposamenen anonimatua ez galtzeko, eta ezabatu egingo ditu kartazaletan, bilgarrietan edo/eta bidaltze albaranetan bidaltzaileari buruz egon daitekeen edozein aipamen.

Balorazioak honako ponderazioa izango du: epaimahaiaren balorazioa %50 eta herritarrena %50.

Ideiak bi baldintza hauek bete beharko ditu:

- Proposatutako ideia bideragarria izan beharko da, ekonomia ikuspegitik. Udalak 2017ko aurrekontuetan **100.000 euro** aurreikusiko ditu lehiaketa honetako ideietatik sor daitezkeen ekimenak aurrera eramateko.
- Proiektua /ideia denbora laburrean eta epe motzera (2017an) bideragarria izango da. Fase ezberdinak ere aurreikusi ahal dira beti ere autonomia izan dezaketen emaitzak lortzen badira.

3. SARIAK.-

Lehiaketak sari hauek aurreikusten ditu (2.725€):

12 urtetik beherakoak.

- Lehen ideiarik onena: 100 €-tan baloratutako opari kutxa (liburuak, eskola materiala, etab...) eta Zabalotegi aretoan 2017 urteko haurrentzako ikuskizun guztietarako 2 pertsonentzako bono bat.
- Bigarren ideiarik onena: 75 € - tan baloratutako opari kutxa eta Zabalotegi aretoan 2017 urteko haurrentzako ikuskizun guztietarako 2 pertsonentzako bono bat.
- Hirugarren ideiarik onena: 50 €-tan baloratutako opari kutxa eta Zabalotegi aretoan 2017 urteko haurrentzako ikuskizun guztietarako 2 pertsonentzako bono bat.

12-18 urte bitartekoak.

- Lehen ideiarik onena: 250 € bonotan eta Agorrosingo kiroldegia erabiltzeko urte osorako bonoa.
- Bigarren ideiarik onena: 125 € bonotan eta Agorrosingo kiroldegia erabiltzeko urte osorako bonoa.
- Hirugarren ideiarik onena: 75 € bonotan eta Agorrosingo kiroldegia erabiltzeko urte osorako bonoa.

18-60 urte bitartekoak.

- Lehen ideiarik onena: 500 € bonotan eta Zabalotegi aretoan 2017 urteko helduentzako ikuskizunetarako bonoa (sarrera 1 ikuskizuneko).
- Bigarren ideiarik onena: 250 € bonotan eta Zabalotegi aretoan 2017 urteko helduentzako ikuskizunetarako bonoa (sarrera 1 ikuskizuneko).
- Hirugarren ideiarik onena: 150 € bonotan eta Zabalotegi aretoan 2017 urteko helduentzako ikuskizunetarako bonoa (sarrera 1 ikuskizuneko).

60 urtetik gorakoak.

- Lehen ideiarik onena: 500 € bonotan eta Zabalotegi aretoan 2017 urteko helduentzako ikuskizunetarako bonoa.
- Bigarren ideiarik onena: 250 € bonotan eta Zabalotegi aretoan 2017 urteko helduentzako ikuskizunetarako bonoa.

- Hirugarren ideiarik onena: 150 € bonotan eta Zabalotegi aretoan 2017 urteko helduentzako ikuskizunetarako bonoa.

Bozka eman duten herritarren artean banatzeko sariak.

- Bergarako komertzioetan gastatzeko 150 euroko bono bat.
- Bergarako komertzioetan gastatzeko 100 euroko bono bat.
- Agorrosingo kiroldegia erabiltzeko urte osorako bonoa.

Sari bat baino gehiago ezingo ditu eskuratu herritar batek eta beraz aukeratu egin beharko du tokatu zaizkionen artean.

Lehiaketa ezerezean geratu dela adierazi dezake epaimahaiak, baldin eta uste badu ezin dela eman saririk, nahiko ona ez den proiekturik edo ideiarik, ez dagoelako.

Epaimahaiak hainbat ideia aukeratuz gero lehiaketaren irabazle (lehen saria berdindurik), saria edo sariak banatzea erabaki dezake irabazle guztien artean. Epaimahaiaren balorazioaren eta herritarren balorazioaren artean berdinketa balego, herritarren botoetan irtendakoa gailenduko litzateke.

4. EPAIMAHAI

Epaimahaia, honakoek osatzea aurreikusten da:

- **Epaimahaiburua:** Bergarako Udaleko alkatea edo berak delegatzen duen pertsona.
- **Epaimahaikideak:**
 - Bergarako Udaleko 3 zinegotzi.
 - Bergarako udaleko hiru langile.
 - Proiektu edo ideiarene arabera Hirigintza, Obra eta zerbitzuak, Kultura eta/ edo beste edozein teknikariari aholkularitza eskatuko zaio.
- **Idazkaria:** partaidetza teknikaria izango da, ezin izango du bere iritzia azaldu.

Epaimahaia subiranoa da lan egiteko era arautzeko, uneoro proposamenak baloratzeko irizpideak eta arauetan jasota dauden ponderazioa kontuan izanik.

Botazio sistemak aukeratuz gero, erabakiak hartuko dira bertaratuen gehiengo soilez. Berdinketaren bat izanez gero, berriro eztabaidatu eta botatuko dute. Bigarren botazioan berdinketak jarraituz gero, epaimahaiburuaren kalitateko botoak erabakiko du.

Behar beste bilera egingo ditu Epaimahaiak.

5. Proposamenak baloratzeko irizpideak

Proposamenak aztertzen hasi baino lehen eta erabakiak hartu baino lehen, Epaimahaiak jarraibide argiak aztertu eta ezarriko ditu, ebaluatu beharreko irizpide bakoitzaren esangurari eta garrantziari buruz.

Aurkeztutako proposamenak baloratuko ditu Epaimahaiak, irizpide eta ponderazio hauen arabera:

- Bergara eta bergararrei ekarriko dizkien onurak: ekonomia, merkataritza, ongizatea, kultura, aisialdia..... sustatu edo dagoen arazo bati zuzenean irtenbidea eman. Puntuazioaren % 20.
- Bultzatuko dituen balioak: partaidetza, berdintasuna, aniztasuna, jasangarritasuna, berrikuntza eta bizikidetza. Puntuazioaren % 20.
- Lanaren garapena eta zehaztapen maila. Puntuazioaren % 25.
- Bideragarritasun ekonomikoa (egingarria izatea), baliabide propioekin egin ahal izatea. Puntuazioaren % 20.
- Ideiaren originaltasuna. Puntuazioaren % 15.

6. EMAITZAK IRAGARTZEA

Epaimahaiak herritarrek emandako puntuazioa gehitu eta gero ahalik eta azkarren emango die erabakiaren berri parte-hartzaileei emailaz edo/eta telefonoz. Emaitzak ezin izango dira errekurritu.

a) Lehiatzaileen anonimatua kontserbatzea

Egileek ezingo dituzte publiko egin haien proposamenak, lehiaketako finalisten izena jendeak jakin baino lehen, bestela lehiaketatik kanpo geratuko dira.

b) Beste batzuekiko erantzukizunak

Lehiaketako parte hartzaile guztiek konpromisoa hartzen dute eta berariaz adierazten dute lana egitean ez dutela hautsi, jakinaren gainean, beste batzuen alde egon litekeen eskubiderik. Hala izanez gero, horien erantzulea izango da eta beregain hartuko du Bergarako Udalak izan dezakeen edozein erantzukizun, bai eta gastu judizialak eta kalte-galerak kalte-ordaintzea ere.

c) Bateriaezintasunak

Ezingo dute parte hartu lehiaketan:

- Epaimahaiko kideak
- Sozietateak edo enpresak.

Lehiatzailek edo lehiatzaileen taldeek ezin dute argitaratu aurkeztu duten proiekturik lehiaketa amaitzen den eguna baino lehenago.

d) Kanpoan uzteari buruz

Kanpoan utziko dira epaimahaiaren iritziz lehiaketa hau agintzen duten araei egokitzen ez diren proposamenak, lehiaketan ezarritako gutxienekoa betetzen ez dutenak edo proposamena osorik aztertu eta haren berri jakiteko nahiko dokumentazioa ekarri ez dutenak.

7. LEHIAKETAREN EGUTEGI ESTIMATUA.-

Lehiaketa hau aginduko duten arauak onartzea	2016/12/19
Izena emateko epea ixtea	2017/2/1
Proposamenen erakusketa Aroztegin eta bozka publikoa hastea	2017/2/6 -12
Epaimahaiaren erabakia	2017/2/15
Irabazle eta saridunei jakinarazpenak	2017/2/15-17
Sari banaketa ekitaldia	2017/2/22